



Optimar il manaschi d'enviern

Il Grischun preveda d'investar blers daners per far vegnir pli segira la via al Pass Lucmagn.

3



Novas sfidas per la Posta

L'onn passà ha la Posta Svizra serrà bunamain 100 uffizis postals e stgaffi 75 agenturas da posta.

19

südostschweiz

LA QUOTIDIANA

Redacziun: Via Sommerau 32, 7007 Cuira, tel. 081 255 57 10, redacziun@laquotidiana.ch

Repower en il center da las discussiuns

■ (anr/rgd) A chaschun da la discussiun detagliada dal quint statal dal chantun Grischun ha l'augment dal chapital d'aczijs da la Repower dà da discutir. Il cussegl grond dal chantun Grischun ha tractà l'emprim di da la sessiun il quint statal per l'onn 2015. Quel serra cun in surpli d'entradas da 17 milliuns francs. Il preventiv era anc vegnì delibe-
rà cun in deficit da 55 milliuns francs. Las grondas discussiuns ha

provotgà la nova strategia da la Repower. En curt vegn quella ad auzar il chapital d'aczijs. Las Ovras electricas dal chantun da Turitg ed in fond da la banca UBS sa participeschan nov al chapital d'aczijs da la Repower. La cumpart d'aczijs en possess dal chantun Grischun sa sbassa da sur 50 perschiunt sin bundant 20 perschiunt.

> PAGINA 2

Ils mirs dalla ruina cloman

■ (anr/sr) «Ils mirs cloman» ei il tetel dalla brochura davart la ruina dalla caplutta da Sogn Benedetg. Sco ei para han ils mirs – las restonzas dalla caplutta ch'ei daventada 1984 l'unfrenda d'ina immensa lavina – propi clamau e *Vitus Bass* da Sogn Benedetg ha udiu quei. Cun agid d'ulteriurs iniziants e la gruppa d'interess pil manteniment dalla ruina eis ei stau pusseivel ad el da salvar la ruina avon ch'ella mon-

di dil tuttafatg en muschna. Oz eis ei – sper la caplutta «nova» da Zumthor – la secunda caplutta a Sogn Benedetg. Bein mauncan il tetg ed aunc bia auter, mo igl ei in liug benediù digl avat *Vigeli Monn*. In liug mistic ch'envida d'urar, meditar, contemplar las picturas e far enzaccons patratgs davart la dertgira dil giuvenesendi.

> PAGINA 6



Dumengia vargada ha igl avat Vigeli Monn benediù la ruina dalla caplutta da Sogn Benedetg.

FOTO S. ROTHMUND

Scuol: Preschantà argumaints cunter il PI 21

■ (anr/fa) Il comité «Gute Schule Graubünden» less üna discussiun detagliada dal Plan d'instrucziun 21. A Scuol han trais commembers nomnà als interessats lur motivs perche ch'els sun cunter quist plan d'instrucziun. Da primavaira ha lantschà il comité «Gute Schule Graubünden» ün'iniziativa dubla cun l'intent cha la populaziun grischuna survegna pled in chapitel davart il

PI 21. «Nos böt es chi gnia discuss in nos chantun davart da nossas scoulas e lur böts», ha dit *Makus Niederdorfer*, magister e commember dal comité cunter il PI 21, d'incuort a Scuol. Insembel cun sias collegas *Elisabeth Calcagnini* e *Marlies Kleese* ha el declerà perche ch'els mettan in dumonda il PI 21.


> PAGINA 11

Parc Adula: Refierer la votaziun?

Actualmein ei la discussiun bloccada

DAD AUGUSTIN BEELI / ANR

■ Lentschatta matg ha il project per in Parc naziunal Adula retschert in schliep entuorn las ureglias. Las objecziuns digl Uffeci federal digl ambient han tuc sil viv. Ins seigi intensiv vidlunder da discutir culs uffecis, ellas proximas jamnas sappien ins quintar da retscheiver dapli informaziuns, rispunda il directur dil project Parc Adula, *Martin Hilfiker*. L'anr ha confruntau el culla damonda schebein las 17 vischnauncas stoppien puspei refierer il termin dalla votaziun previus per quest atun. Las objecziuns dall'administraziun federala a Berna encunter la zona circumdonta dil futur parc ein daventadas enconuscentas il matg. E talas han caschunau ina atmosfera da disfidanza. Sch'il pievel havess da votar quest jamna sch'ins vules fundar in parc naziunal sigl intschess da Mesauc, Calanca, Surselva, Valrein e Val Blegn fuss la risposta probabel clara: Ei dess in na. Ils adherents da quei project defendan denton ils fatgs. Sappi ei esser falliu da calar cun in project che lagi consumau



Gie ni Na davart in niev parc naziunal Adula dependa dalla proposta definitiva che vegn en votaziun. FOTO A. BEELI

15 onns lavur e sebas silla buna collaboraziun intercomunala ed intercantunala, sedamonda il president communal da Medel, *Peter Binz*. Tenor el eis ei da cuntinuar culla via encaminada per

retscheiver la finala la marca da «parc naziunal». Refierer il termin lagi negin senn, ei il meini dil president communal da Lumnezia, *Duri Blumenthal*, e dil president dalla Pro Vrin, *Aurelio Casa-*

nova. Ils responsabels dil parc han retschert 650 objecziuns e propostas enteifer il temps da publicaziun.

> PAGINA 3

Globi i'l Parc Naziunal Svizzer

■ (anr/afi) L'utschè blau alleger sün duos chommas cun seis chapè e las chotschas cotschnas-nairas discuorra uossa eir rumantsch. D'incuort ha edi la Chasa Editura Rumantscha il prim cudesch illustrà da «Globi». Da tuot ils tittels tudais-chs es il cudesch «Globi im Nationalpark» quel cun la plü stretta relaziun cul chantun Grischun. La sfida da la traducziun d'eiran ils texts in rima. Ad *Aita Dermont-Stupan* da Sent esa reusch da far üna versiun rumantscha chi's lascha leger sainza s'intoppar e chi va bain in rima.

> PAGINA 11

Da Riom a Paris

■ (anr/gns) Gist frestg or dalla stampareia è la pi nova ediziun tgi *Giovanni Netzer*, igl intendand digl Origen Festival Cultural, deditescha alla famiglia da Luring Maria Carisch tgi è emigro avant 180 onns da Riom a Paris. Pigl text segna igl istoriograf *Basil Vollenweider*. Turno an sia patria ò Luring Maria Carisch biagia la pi gronda clavadeira, ena villa e numno niva el «igl milliunari» da Riom.

> PAGINA 14

Victoria a casa per Armon Orlik


2500 aspectaturs alla Fiasta da lutga Grischun-Glaruna

■ (anr/sr) Armon Orlik dil Club da lutgaders Landquart Sut ha fatg tutta honur a sia rolla da favorit e victorisau alla Fiasta da lutga cantunala Grischun-Glaruna che ha giu liug la fin da janna a Flem. Per fortuna ei l'aura stada bia megliera che las prognosas aschia che rodund 2500 aspectaturs ein vegni la dumengia sil prau da balluns a Flem per mirar las lu-

tgas dils 132 participonts dalla Fiasta da lutga Grischun-Glaruna. Ils lutgaders ein vegni dil Grischun e Glaruna sco era ord ils cantuns Sogn Gagl, Turgovia e Turitg. *Armon Orlik* era en cumpleina fuorma ed ha gudignau la davosa lutga encunter *Sandro Schlegel* dalla Purtenza. En tut han otg Grischuns saviu turnar a casa cun in cranz dil cantunal. Suenten ina fer-

ma prestaziun ha *Christian Bäsch* da Tavau Sertig astgau turnar l'emprema ga a casa cul cranz desiderau. Fatg grev als Grischuns han oravontut ils hosps dalla Turgovia. Aschia ha *Stefan Burkhalter* dau a Flem siu «comeback» suenter ina pausa pervia d'ina blessura ed ei daventaus secund.

> PAGINA 5



Armon Orlik ha gudignau a Flem la Fiasta da lutgaders Grischun-Glaruna e survegniù sper il desiderau cranz in taur.

FOTO S. ROTHMUND



20024

Servetsch d'abunents e da distribuziun: tel. 0844 226 226 mail: abo@somedia.ch